

FARANDULA

Gira di The Aruban band pa Hulanda tabata un exito promocional grandi

Dilanti di publiconan bon anima, cantando y gritando na Ingles, Papiamentu y Hulandes, e banda Arubano "The Aruban band" di e fundacion Sound and Harmony a cosecha hopi exito tras di exito na diferente ciudad na Hulanda manera Amsterdam, Rotterdam, Den Haag, Den Helder, Zwolle, Alkmaar, Hilversum, Enschede, Nijmegen, Utrecht y

Roermond.

Un gira amplio na Hulanda pasando hopi ciudad caminda tin Arubano y Antillano ta biba. E promocion pa Aruba y pa The Aruban Band tabata grandi.

E integrantenan ta orgulloso di nan exito. Tambe e banda ta gradici famia Olga de Cuba, yiu di e conocido comerciante di Macorisana y International Su-

permarket cu tin un cafe y sala di fiesta na Roermond.

Hopi Arubiano a asisti na e 32 presentacionnan cu e banda Arubano tabata tin na Hulanda cu un averahe di 250 Arubiano pa fiesta y ademas di esey tabata tin Antillano, Surinam y Hulandes. Segun e banda di e exito por mira den carnaval 35 caminda Aruba por spera hopi bishitante for di Hulanda pa e

temporada ey.

E interes cu e Arubianonan a muestra pa regresa cas pa biba tambe tabata algo emocional pa experiencia. Hopi a acerca e banda pa informacion di trabao, situacion real di Aruba, con e isla ta desarolla socialmente etc.

Na final e banda a gradici na tur nan fans na Hulanda y tambe na Sr. ALEX mariana.

Robert Delimore, Enora George, Olga de Cuba, Ed Neiden, Nico Connor, Lee Connor, Jimmy Scott y tambe sr. Blanco Spanner (q.e.p.d.). Blanco durante 6 siman cu e banda tabata na Hulanda a cushina tres biha pa dia pa e banda come y e banda ta lamenta cu e no a biba suficiente pa nan sikiera por a gradiciele manera cu e banda tabata kier.